

Hoihmiuh Haksingz Hawgeq Cunghdu: Nauhyied Hoenghhwd Yienh Bingzlingz

热闹祥和的中渡古镇城隍庙会

□ Lai Geuveib ingj Siobhyungz boiz



▲ Naj miuh oeng hoenz yieing, yienh siengjmuengh ndeiraeuh.

▲ Lungzgim foux hwnjroengz, vunzraeuz doengzcaeuz angq.

◀ Doih youzgai raezrangh, vunz fanh daeuj doxcomz.



▲ Goenghaksingz youzgai, vunzlai caez ciepcoux.



▲ Yienglaux hoenzngauqngauq, muengh cauh fuk gwnzbiengz.



▲ Yienj heiq raeuz gag bien, lwnh bienqvaq ndaw mbanj.



▲ Doih yanghgoh dem angq, diegdangz nauhyied lai.



▲ Haksingz daeuj cunzgai, raen vunz lai vunz daih.



▲ Nauh saecej foux lungz, vunz raeuz bunz nfoenz angq.



▲ Caemh gwn "ngaizdoxcaeuz", beixnuengx aeu caezsim.

Moix bi liggaueq ndwenngux ngeihbet, Hawgeq Cunghdu Luz-cai Yen gih raeuz cungj banh hoihmiuh hoenghhwd, gyoengq vunzlai henzgyawj nem gyoengq hekyouz gak dieg, caemh angq-vauvau dwk bae nauh hoihmiuh, gwn "ngaizdoxcaeuz", nauhyied dangqmaz.

Hawgeq Cunghdu youq gwnz lizsij dwg gih raeuz gij hawgeq mizmingz ndawde aen ndeu, gij ranzgeq gwnzhaw youq seiz Ciuhcingh geizgyang hwnjguh haenx cix louz ndaej haemq lai haemq ndei, seizneix lij ce miz ranzgaicawx gaeuq, diemqhek gaeuq daengj, Miuhvujmyau, Cunghdu Fujminzdingh, Cunghdu Canhyivei daengj muihgeq ranzgeq henhoh ndaej gig ndei, yienh'ok gij yiengh gaeuq lizsij gyaenanz aen hawgeq neix. Riuz naeuz goenghaksingz Cunghdu ndiep-gyaez lwgminz goq daengxbuenz, guhsaeh goengcingq vunzlai haenggyaez. Seiz Gvanghsi cibbi, Dienhdaihoz Gingsingz deng feizcoemh, goenghaksingz Cunghdu daiq vunz bae ndaep feiz; vuengzdae Gvanghsi niemh haksingz Cunghdu ndaep feiz miz goeng, couh soengq gep baizfaex ndeu hawj de, seizneix lij louz cuengq youq ndaw miuh. Vunzlai

Cunghdu itcig dawz haksingz dangq goengsaenz baujyouh bingzan vuenghndei ndeu, caep aen miuh he daeuj ciengxlwenx geiqniemh de, lij dingh youq moix bi liggaueq ndwenngux ngeihbet banh geiqniemh hozdung, gvaq-laeng couh bienqbaenz le aen ngoenzciet ndawbiengz Cunghdu ceiq hoenghhwd ndeu. Hoihmiuh geizgan, gyoengq hekyouz caemh ndaej haeuj muihhaksingz siu yieng caeqbaiq, mbaenj fuk gouz caiz gouz bingzan.

Haet ngoenzciet lingzseiz, baihnaj Miuhvujmyau couh vunz lai vunz daih gyukgyadgyad. Gij doih caeqbaiq ndaw Cunghdu Cin gak diuzgai nem gij mbanj henzgyawj haenx doxriengz dox-caeh dwk doxlnwz caeqbaiq. Gyoengq vunz gingz yienglaux, ram baenz duz mou caeuz yiengz, roq gyong roq laz, foux lungz foux saecej, doihyanghgoh, doihgyong-vang riengzlaeng doq diuq foux doq ciengq go, ciengzmienh nauhyied dangqmaz, cigdaengz banhaet bet gouj diemj cung hozdung caeqbaiq cij guhsat. Banhaet cib diemj cung, aen hozdung ram goenghaksingz youzgai couh hainduj lo, baihnaj miz gyoengq binghak hairoen, doih duzmbaj, ruzhawq, maxfaex, ramvunzheiq cix riengzlaeng dwk

foedfoed nanghnangh byaij baenaj. Moix byaij gvaq diuz gai ndeu aen mbanj ndeu, doih foux lungz foux saecej caeuz doih yanghgoh gyong'vang dieg neix couh ciepcoux riengz hwnjdaeuj. Riengzdwk byaij gai haeuj mbanj yied daeuj yied lai, aen doih youzbyaij caemh yied ciepcoux yied raez, daj gyauej yawj mbouj raen rieng, ciengzmienh hungloet raixcaix. Youzgai sat le, gyoengq vunz gak diuzgai couh doxcomz dwk gwn donq "ngaizcaeuz" ndeu, caemh heuhguh "ngaizdoxcaeuz", dangq donq "ngaiz bak ranz" seizneix. Gyoengq vunz gwnzgai caeuz ganbu dangdieg nem gyoengq hekyouz caemh naengh henz daiz, gwn laeuj gangigoj, doxhuz angqyangz.

Hoihmiuh moix bi cungj banh 3~10 ngoenz, cawz hozdung caeqbaiq, ram goenghaksingz youzgai le, lij banh miz gij hozdung fungsug ndawbiengz conzdungj lumjbaenz ciengj bauqva dued vengqciengj, yienj Heiqgvei, dwkgienz loengh cazaaj, seizneix lij demgya banh miz diuq foux gyong'vang, yanghgoh, eu fwen doiq fwen, cuengq daengdah, baijgai doxgaiq fwngz-guh ndawbiengz caeuz baijgai gijgwn haekfeih daegsaek dangdieg daengj hozdung dem, hawj hozdung hoihmiuh engq lai cungj lai yiengh.